



---

**CYD-BWYLLGOR CORFFOREDIG Y GOGLEDD**

**19 Mehefin 2026**

---

**TEITL:** Cynllunio Corfforaethol

**AWDUR:** Alwen Williams, Prif Weithredwr

---

**1. PWRPAS YR ADRODDIAD**

- 1.1. Pwrpas yr adroddiad yw diweddarau'r Cyd-Bwyllgor Corfforedig ar y gwaith o ddatblygu Cynllun Corfforaethol, gan gynnwys y paratodau ar gyfer trosglwyddo i reoli y Gronfa Twf Lleol o Ebrill 2027.

**2. Y PENDERFYNIAD A GEISIR**

- 2.1. Cymeradwyo'r dull o Gynllunio Corfforaethol fel yr amlinellir yn yr adroddiad.
- 2.2. Dirprwyo i'r Is-bwyllgor Lles Economaidd i fonitro cyflawni'r ffrydiau gwaith Cynllunio Corfforaethol er mwyn cynnal cyflymder cyflawni.
- 2.3. Awdurdodi defnyddio'r cyllid a ddarperir i'r Cyd-bwyllgor Corfforaethol i baratoi ar gyfer cyflawni'r Gronfa Twf Lleol y tu hwnt i 2026/27, gan weithio ar y cyd ag awdurdodau lleol a phartneriaid i gyd-gynhyrchu cynigion y rhanbarth.

**3. Y RHESWM DROS Y PENDERFYNIAD**

- 3.1. Fel amlinellir yn yr adroddiad.

**4. CEFNDIR AC YSTYRIAETHAU PERTHNASOL**

- 4.1. Mae angen Cynllunio Corfforaethol ar gyfer y Cyd-Bwyllgor Corfforedig, ar gyfer darparu fframwaith glir i weithredu, blaenoriaethu adnoddau ac dangos atebolrwydd.
- 4.2. Fel endid newydd, mae angen cynllun strwythuredig ar y Cyd-bwyllgor Corfforedig i gydlynu gweithgaredd, ymgysylltu â phartneriaid, bodloni dyletswyddau cyfreithiol a llesiant, a nodi sut y bydd uchelgeisiau rhanbarthol yn cael eu cyfieithu i gyflawni ymarferol.
- 4.3. Yn ychwanegol mae Llywodraeth Cymru wedi nodi ei bwriad i'r Cyd-Bwyllgorau yng Nghymru gymryd atebolrwydd rhanbarthol ar gyfer rheoli y Gronfa Dwf Leol o 2027/28 ymlaen (fel amlinellir yn y Cynllun Buddsoddi Cenedlaethol gytunwyd gyda Llywodraeth y DU). Mae Llywodraeth Cymru wedi darparu £200,000 i Uchelgais Gogledd Cymru i:

- Gynhyrchu Cynllun Twf Rhanbarthol i gefnogi cynllunio a chyflawni y Gronfa Dwf Leol ar gyfer y rhanbarth.
- Cefnogi meithrin gallu perthnasol a threfniadau partneriaeth wrth ddatblygu'r Cynllun Twf Rhanbarthol a'r paratodau cysylltiedig i'w gweithredu o fis Ebrill 2027 ymlaen.

4.4. Mae Uchelgais Gogledd Cymru wedi adnabod nifer o elfennau allweddol sy'n ofynnol ar gyfer cynllunio corfforaethol:

- Cynllun Corfforaethol – ar gyfer gosod y weledigaeth, blaenoriaethau ac gweithredoedd.
- Datganiad o weledigaeth – i osod Uchelgais a chyfeiriad hirdymor ar gyfer y rhanbarth.
- Datganiad ac amcanion lles – i fodloni dyletswyddau o dan Deddf Llesiant Cenedlaethau'r Dyfodol.
- Cynllun Twf Rhanbarthol 10 mlynedd fel sy'n ofynnol gan Lywodraeth Cymru, yn gosod allan:
  - darparu gweledigaeth hir-dymor (10 mlynedd), gan ddisgrifio sut mae cronfeydd presennol ac buddsoddwyr yn cyfrannu.
  - Sut bwriedir i fuddsoddiad drwy'r Gronfa Dwf Lleol gael ei ddefnyddio i gyfarch bylchau ac ychwanegu gwerth ar gyfer cyflawni y weledigaeth, gan weithio fel rhan o'r tirwedd buddsoddi ehangach er mwyn gosod allan portffolio o ymyraethau wedi targedu a blaenoriaethu ar gyfer cael ei ariannu gan y Gronfa Dwf Lleol.

4.5. Er mwyn cynnal y cyflymder cyflawni sy'n ofynnol ar y Gronfa Twf Lleol, cynigir dirprwyo i'r Is-bwyllgor Lles Economaidd i fonitro cyflawni'r ffrydiau gwaith Cynllunio Corfforaethol, gydag unrhyw gymeradwyaethau terfynol i'w cyfeirio yn ôl at y Cyd-bwyllgor Corfforaethol i'w cymeradwyo'n derfynol.

## 5. GOBLYGIADAU ARIANNOL

5.1. Mae Uchelgais Gogledd Cymru yn bwriadu defnyddio'r £200,000 a ddarperir gan Lywodraeth Cymru i weithio ar y cyd ag awdurdodau lleol a phartneriaid i gyd-gynhyrchu cynigion y rhanbarth a sicrhau trosglwyddiad llyfn i'r trefniadau newydd.

	Cronfa Dwf Lleol	Grant CBC/Cronfeydd wrth gefn
Comisiynu partner strategol i gyd-ddatblygu'r dogfennau a amlinellir yn 4.4.	65,000	35,000
Capasiti rheoli prosiect ar gyfer Uchelgais Gogledd Cymru i gydlynu'r trawsnewidiad i'r trefniadau Newydd	55,000	
Cyfraniadau i Awdurdodau Lleol i gefnogi cyd-ddatblygu y Cynllun Twf Rhanbarthol (£5k yr ALI)	30,000	
Paratoi ar gyfer Blwyddyn 2 a 3 y Gronfa Twf Lleol – i gynnwys datblygu cynlluniau, Systemau ac adeiladu capasiti	50,000	
<b>CYFANSWM</b>	<b>200,000</b>	<b>35,000</b>

## 6. GOBLYGIADAU CYFREITHIOL

6.1. Nid oes goblygiadau cyfreithiol.

## YMATEB Y SWYDDOGION STATUDOL:

### i. Swyddog Monitro:

“Mae'r argymhellion hyn o fewn swyddogaethau a phwerau'r Cyd-bwyllgor Corfforedig. Mae'r dirprwyaeth arfaethedig i'r Is-bwyllgor Lles Economaidd yn briodol i'r graddau y mae'n ymwneud â monitro cyflawniad y ffrydiau gwaith cynllunio corfforaethol. Dylid cadw unrhyw gymeradwyaeth derfynol o'r Cynllun Corfforaethol ei hun i'r Cyd-bwyllgor Corfforedig, neu ei hadrodd yn ôl iddo, i'w phenderfynu, fel y nodir yn yr adroddiad. Wrth ddatblygu'r Cynllun Corfforaethol a'r Cynllun Twf Rhanbarthol, bydd angen i'r Cyd-bwyllgor sicrhau cydymffurfiaeth â'i ddyletswyddau statudol, gan gynnwys Deddf Llesiant Cenedlaethau'r Dyfodol (Cymru) 2015, dyletswyddau cydraddoldeb a'r iaith Gymraeg, egwyddorion llywodraethu'r sector cyhoeddus, ac unrhyw ofynion sy'n gysylltiedig â chyllid Llywodraeth Cymru. Dylid cynnwys ymgynghori ac ymgysylltu priodol ag awdurdodau cyfansoddol, partneriaid a rhanddeiliaid yn y rhaglen waith. Ar y sail honno, nid oes unrhyw wrthwynebiadau cyfreithiol i'r argymhellion, ar yr amod bod y dirprwyaeth yn cael ei thrin fel dirprwyaeth monitro a goruchwyllo yn unig, a bod cymeradwyaeth derfynol y dogfennau cynllunio corfforaethol sylweddol ac unrhyw ymrwymadau ariannol neu bolisi sylweddol yn cael eu dwyn yn ôl i'r Cyd-bwyllgor.”

### ii. Swyddog Cyllid Statudol:

“Mae'n hanfodol bod paratoadau'n cael eu gwneud i ymdopi â heriau'r ffrydiau gwaith Cynllunio Corfforaethol. Mae'r penderfyniad a geisir yn caniatáu i'r Cyd-bwyllgor Corfforaethol fwrw ymlaen â rhoi trefniadau ar waith i ddelio â'r materion hyn, ac mae'r dyraniad grantiau a ddangosir yn Adran 5 o'r adroddiad yn ffordd briodol o fwrw ymlaen â'r gwaith cynllunio hwn.”